

中國地方志集成

寧夏府縣志輯 ⑤

乾隆中衛縣志

道光續修中衛縣志

民國豫旺縣志

鳳凰出版社 ● 上海書店 ● 巴蜀書社

古者國有史郡邑有乘族有譜家有訓人有傳皆所以志也經無史志名然尚書春秋經而史史而經矣周漢以還遷固等之兩漢書星曆以至河渠條分而次之後世取法焉而猶不能無遺議此史志之難也中邑為前代應理州地被服文教歷有年所及我

序

一

朝改寧夏衛為府中邑為屬縣幅員數百里漸仁摩義風俗駸駸日上彬彬雅雅科第人文相繼而起而志乘猶缺焉未講其附見於朔方志者不過數條且係前明故簡與時事大相逕庭黃公素菴來令茲邑獨慨然深念之願以朝廷方有事準夷軍書旁午未

牧場今皆宜彙入之是不得不創為編輯矣予承乏茲邑忽踰四載每登覽山川遍歷各堡慨在昔戎馬之郊屢經兵火地震之變漢唐迄元眴卷應理鳴沙雖相傳已州縣其地而官斯土者何人治斯土者何事產斯土而著名者何人皆湮沒無可見

序

二

之跡杳茫無可記之書夫亦以志之不作也今庚辰仲夏陽湖蔣大方伯巡視河防往來中邑索邑志不獲乃責余曰子以科第儒生久宰邊邑於其山川古蹟民生吏治獨不為加稽考著述乎雖遜謝不敏而責無可貸無以邑之紳士聞此言而交相

屬焉此尚可以需之他日哉因
妄不自揣於是秋七月操筆至
十月而脫稿其間言期有用事
求可徵雖成之似無多日月而
原之以四年來之心眼所歷精
神所到殫志竭慮搜考編排亦
幾經營之慘淡矣第事事詳核
固不敢以易心處之所憾自元

序

宋以前地淪西夏之後一切皆
沒於兵火遂多闕文焉至有明
以來凡興廢之由教化之原閭
閻疾苦之故則採訪而備論之
訂為總志十卷分目三十有六
撰次搜討咸出余一人參校訪
錄則邑之耆彥亦厥事焉予自
成童進學弱冠教書為諸生者

二十一載亦嘗肆力於經史雖
幸獲一第濫膺民社不能進躋
詞垣秉史筆今於一邑之志上
下數百年間察濶數百里之地
考輯編纂俾山川草木雲物魚
鳥之蕃皆得所發揚而典祀邊
防農田水利以及人心風俗之
微皆得以講求而參互攷訂焉

序

四

上以表章夫

國家百十餘年教養之休下闡揚
乎忠孝節義之行以風勵於當
世竊妄附諸陳詩觀風之末俾
將來國史郡乘資採擇焉抑亦
生平所學者一時之遭也庚辰
仲冬朔六日書於香山行館
賜同進士出身甘肅寧夏府中衛縣

知縣軍功加二級又加一級隨
帶紀錄三次滇賧北黃恩錫謹
序



序

五

呈送志稿奉

制憲揚大人 閱批

郡邑圖籍記載人文略而未詳尚未足以信今傳後何
況竟無志乘耶該令於公務之暇乃能留心治化編輯
成書雖文辭無徵難於考訂而規條詳備亦堪稱一邑
之完書據請弁言隨後撰發送到志草已查收矣
又奉

撫憲明大人 閱批

披閱編輯志綱舉目強考核亦極詳條底即付梓志
稿并發

又奉

泉憲文 閱批

志乘一書徵文考獻於風俗淳澆大有關係甘肅州縣
中不講久矣該令簿書之暇果能留心纂輯以脩攷稽
殊足嘉尚餘已悉

修志姓氏

康熙辛卯

寧夏西路中衛儒學教授涇陽劉追儉起草

乾隆庚辰

寧夏府中衛縣知縣軍功加二級漢賧北黃恩錫纂修

寧夏府中衛縣儒學教諭頻陽張若敏丙辰

中衛縣典史李延鳳鎮江人

分駐渠寧巡檢司舒采願南昌人

恭校採訪

中衛縣志

修志姓氏

截取知縣壬子科舉人楊士美蓮塘邑人

原任浙江漕運千總庚子武科舉人蔣前烈有光縣人

壬甲科進士截取知縣羅全詩石空人

貢生魏殿元廣武人

魏修德有漢縣人

生員汪兆鰲縣治人

柳峻鳴沙州人

校對繕寫

范灝書州人

生員

任景昉縣治人

魏諫唐縣治人

尹光宗縣治人

查卷督刻書吏劉福社

陳獻瑞

修志姓氏

二

應理志草總目

序 凡例 圖考

地理考卷之一

星野 沿革 疆域附形 山川 水利

風俗 物產附錄

建置考卷之二

城池 堡寨附各 公署附養濟院公館 倉廩

學校 祠祀附寺廟 祥異

貢賦考卷之三

戶口附縣志 總目

額征 戶口附縣志 稅課附市集 鹽法附茶法

邊防考卷之四

塞垣 營制 邊界 驛遞 關梁

官師考卷之五

官制 職官 名宦附俸薪卷廉

獻徵表卷之六

人物 忠節 孝義 列女 流寓

選舉表卷之七

科甲 鄉貢 武階附贈仕宦鄉飲耆年附

古蹟考卷之八

古蹟 各景考 雜記附

藝文編卷之九

上諭 議 論 書 記 序

藝文編卷之十

傳 賦 銘 詩

戶口附縣志 總目

總目

二

凡例

一應理舊有志草一冊第抄摭朔方志所分載而增其粗畧殘缺殊多夫志爲寶錄郡邑之志法宜該詳凡沿革風俗山川形勢水利農田邊隘關梁今皆廣搜詳核纂輯成篇惟歷代事蹟遺亡無考不能無所挂漏姑以俟之踵事修飾者

一星野建置疆域仍舊志草而其中舛訛者亦多皆爲改正補缺其山川村堡舊志畧焉今凡一邱一壟一泉一澗或堡村寨脩細載註使無荒畧

口街縣志

凡例

一農桑爲生人之本中邑務農力穡近來者少而蠶桑不興往往一畝之所入不能製一衣然城堡皆產桑亦間有養蠶之家特未大興其利耳爲採幽風廣義數條並附論以示勸

一中邑河南北兩岸數萬戶衣食所賴惟資渠壩而利弊相半工有難易茲將各渠延長里數支渠埧閘所溉田畝脩爲載注俾司事者寓目知爲民命所關不致草率從事

一中邑昔爲戎馬之郊至我

朝百十餘年安養恬熙已成樂土而邊牆六十里外即爲蒙

古駐牧之所其河之東西暨香山沙泉一帶地方邊濶戰爭所在往迹闕不可考今惟即口隘營汛兵制邊界詳核而載之使留心邊俗者可按冊而稽云

一治莫重於學室鮮絃誦膏火無資皆撫字之責也今將城堡各社學學舍學田若干悉載入之以俟留心文教者益有以廣其化云

一文廟爲教化之藪而功德在民者報其亦無可踈其壇壝典祀外舊有遺愛祠祀亦并存之至學宮祭樂器及

街縣志

凡例

陳設品物儀鐸次序脩加考校繪圖以俟典祀者之所徵據而愈求其明脩焉此外寺觀之修其來已久者亦爲附載而間附論說以資考辨

一物產廣武朔方舊志所載尚未詳悉的確今條析搜考凡有益民生日用者即一草一木皆爲詳核分註以便省覽

一中邑鄉獻宋元以前無可考舊冊載前明貢表暨人物忠節數頁今并考之朔方志通志復諭地方紳士脩爲訪察核酌脩載其有德可錄有善足紀者另爲之傳庶

不改淹沒無傳雖其意在善善欲長亦不改遷久無實

一列女有節烈可風已蒙旌表者俱擬事書入其窮簷

若寒衣經表揚實屬負難艱者并詳悉訪查一體載

入以示風勵

一中邑昔稱尚武之地今士習丕變已駸駸乎日感而文

翰闕如不惟無以光藝苑之華即

王猷布告名臣疏誠無傳播亦屬疎畧茲特廣搜博採分

體收錄也

聖朝誥諭用以示風教之所自開云

中甸縣志

凡例

上

一山川景物文人歌詠雖無關於著作而風土之所在里

俗之所傳亦有足資採覽者大抵中土之藝文若其多

邊地之藝文若其少故不無收錄從寬者此後文教愈

隆作者踵起亦可資裁訂焉

一廣武舊隸寧郡今設縣後已入中邑版圖所有田土貢

賦差役戶口山川藝文俱因廣武志彙載之惟職官武

秩仍從其畧

一坊表中邑自明以來兵燹地震之後已無存者至節孝

之家有曾旌表建坊或未經旌表不無節行可風者故

不復脩錄

一陵墓中邑宋代淪入西夏漢唐亦無可考自明迄今仕

宦忠節雖不乏人而特予祭葬者殊鮮傳聞即道碑墓

誌莫資徵信故亦闕而不錄其間有聞見者另為附載

一採訪所及舊傳遺蹟事疑附會及他瑣言細故則另以

雜記別之或亦齊諧志怪西陽新語之類博洽者所不

廢焉

一志屬草創又遑地輿籍闕畧毫無考據不揣固陋隨意

纂修僅以吏事餘力行館署燈山一人之手越三月而

凡例

17

成其稿雖編次務求詳而有體而才識有限文獻無徵

第取而名之曰鳳翔志等以俟博雅之討論或正焉

中興縣圖

中興縣志
卷之六
地理志
一



中興縣志
卷之六
地理志
二





地理考卷之一

按周禮司空量地以制邑度地以居民而體國經野分疆定治於是乎在焉中衛爲夏屬沿邊一隅然而山川土田原隰墳衍風雨陰陽之所和會其幅員式廓凡歷代疆圍因革之由及風俗土宜之故考治者所必詳也作地理考


中衛縣志

卷一 星野考

星野考

周禮保章氏以星土辨九州之地史記天官書二十八舍主十二州故古者所封封域皆有分星以觀妖祥從來遠矣中衛爲寧夏屬境禹貢雍州之域朔方志云天文井鬼分野按唐志則夏州東井之分今通志謂寧夏北地郡地入尾十度考蔡邕月令章句自井十度至柳三度謂之鶉首之次秦之分野秦太史張猛則曰箕尾燕之分野東井秦之分野蓋自東井十六度至柳八度爲鶉首於辰在未秦分屬雍州合泰諸說夏境在西北隅爲秦分則夏州東

井之分爲有據謹繪圖以備考



行部

星野圖考

星泉畝

東井八星河中靜鬼宿四星如櫃形中央白者積尸氣八
星曲頭是柳星

沿革

中衛在寧夏西路春秋時羗戎雜居秦爲北地郡地漢置
朔方縣屬安定郡後魏爲靈州地隋唐爲靈武郡地置鳴
沙縣五代迄宋沒於西夏元置應理州屬寧夏路鳴沙亦
置州各自爲治明洪武中州皆廢三十二年建寧夏中衛
屬陝西行都司裁鳴沙州并焉

白圭清因之雍正三年裁衛始改置縣屬寧夏府

中衛縣志

疆界 附形

卷一

地理考

沿革

疆界

治在府西南三百八十里東南至大嵐溝靈州界二百里
西南至崇新梁靖遠縣界二百里南至白崖口靈州界一
百三十五里北至邊牆十里西至營盤水阜蘭縣界二百
一十里東至廣武分守嶺朔縣界二百二十里

按縣治北背邊牆南面大河據銀川之上游其東則青銅
牛首鎖鑰河門其南則香巖雄峙列若屏障左倚勝金之
固右憑沙嶺之險元史志云左聯寧夏右通莊浪東阻大
河西據沙山朔方志亦稱邊陲要路云

山川

香山 縣之南山總名前明為慶藩牧場至

國朝始入縣治其地周環約五百餘里東南接壤靈州胭脂

川西南與靖遠柴薪梁萬峯子蘆溝縣界山巔高約十

里舊建香巖寺其山地可耕牧山民隨水而居多穴處

為土窖喜牧畜舊稱七十二水頭是也然田皆旱地全

賴雨暘時若乃可種可收大抵歲旱偏災十居三四賑

貸體恤率仰給於官儲云

米鉢山 在寺口即香山之支山舊有米鉢寺故名

黑山 在縣東三十里自沙嶺蜿蜒西來綿亘起伏至縣

東結為石山其色皆黑盛夏常積雪山之南支如怒犀

奔飲於河即勝金關山也石峯橫峙與泉眼山相對拱

抱縣城為一關鍵云

羚羊山 即永康南山其近山渠道有羚羊角羚羊殿

羊夾渠殆因山得名又有羚羊寺各景列有羚羊松風

見藝文

天景山 在宣和堡東南由香山寺口至寧安之南遠望

峯巒屏列蒼翠可挹殆香山一大支或稱天成山云又

廣輿記有天都山殆即此

沙山 在縣西五十里因沙所積故名為西通蘭涼驛路

隨沙嶺曲折而上三十里至長流水人馬憚行浮沙沒

脛元志所謂西據沙山者是也

石空寺山 在縣東八十里石空堡西北十里山石橫亘

嵯峨中空若陶穴因石鑿削鏤成佛像舊建梵宇皆倚

山結構僧夜燃燈如星懸天際有詩見藝文

牛首山 在廣武大河之東峯巒聳峙巖壑蒼秀東面靈

州西枕大河上有梵宮相傳以為小西天見藝文各景

山南產石煤

磨盤山 即牛首山西南之支以形似故名其山土色赤

中產花石紫質黑文

青銅峽 兩岸石壁劈立黃河行其中對山交錯緊東洪

流乃中邑山川一大關鍵也

回軍山 又名尖峯山在廣武西北三十五里相傳在昔

西征軍士遇大雪迷道惟見此山一峯獨青望之而行

四日得還故名

羊頭山 在廣武西南三十里長城經其下

羊頭山 在廣武西南三十里長城經其下

觀音山 舊志在縣北五十里有觀音洞故名今考惟縣

北七十里金場溝有山俗呼為官材山或即觀音山遠

望則山半隱隱有洞殆所稱觀音洞云

雪山冷山 俱在大河西南二山相連即靖遠永安堡界

大泉山 在白馬灘南西連平山東接牛首

聚寶山 山足有白馬寺在縣東南一百五十里

豐臺山 在古水南與雪山冷山相接山勢高聳草木頗

著產青羊

麥梁山 在鎮羅堡之北三十里以形似故名其山頂平

口衛縣志

卷一 地理考 山川

四

舊有營址相傳昔曾駐兵於此

分守嶺 在廣武堡二十里為朔縣中衛交界

炭山 在縣西南三十里產炭夜有火光見藝文各景

平山 在鳴沙州紅柳溝迤北為土人擎牧之地

大沙子山 在縣西七十里舊志云迤西近莊浪蘭州界

殆即今之寫沙坡第去縣實百里云

硯瓦石井 在棗園石空之北產石純黑色可為硯因名

泉眼山 在寧安堡西三十里為七星渠口相傳山下有

泉七眼若列星故取以名渠云

大洪溝 在寧安堡南七十里產石炭

蘭興山 在香山之南其東南接長流水胭脂川靈州界

山上有墩為古水營汛界

高泉山 在香山七眼井東南相傳山頂舊有泉因名

黃河 在縣南十里河自冰溝峽入境其上流至靖遠蘭

州水勢湍駛穿崖觸石激射而下惟木筏可順流浮放

銀那材木取給焉至中邑之西四十里沙坡下始平流

沿河開美利等渠一十八道灌田八千餘頃歲不憂旱

河之利亦溥矣自中邑至夏城水道四百餘里舟楫可

中衛縣志

卷一 地理考 山川

五

通頗稱安瀾過青銅峽出境入靈州朔縣界

山河 即清水河通志云發源六盤山遶固原城東北流

入鳴沙州即古所謂葫蘆河一名高平水其下復有山

河亦云自固原來流至寧安西二十里入河按縣境惟

山河源自固原而來與通志所稱河流甚狹相証是一

河而誤重為二今核正之

南河 考詢即舊志所訛為清水河者在寧安堡南一里

為改今名其流清夏秋水漲頗大係七星柳青貼渠各

退洩之水合流自寧安登蘓灘起至恩和蔣家崖入河

洛陽川 在縣西二十里一名洛陽湖俗訛為畧場湖

蒲塘 舊志稱在縣北四十里產蒲草因名今考即蒲塘

墩地尚有蒲草第水止夏秋集潦殊不能遠流入河矣

古水井 水自地湧出該堡兵民汲飲不竭其味稍鹹一

名苦水井

長流水 在縣西七十里源出窩沙坡下東南流至冰溝

峽入河其地舊在口外土民因水聚居引灌田數十畝

為通涼蘭驛路

一碗泉 在縣西一百一十里水出沙溝內僅盈一碗取

中衛縣志

卷一

地理考

山川

二

之亦不竭因名今其地設塘連軍台

石水井 在縣西一百六十里乾塘子之南十餘里乾塘

為口外戈必之地惟此水特以汲飲相近有周家水亦

累石為井歷年軍需乾塘供支往來官兵解西馬駝皆

香山舖民人擔驢馱以給雖不至匱乏而民力勞矣

營盤水 其地西北通涼州驛路正西通莊浪西寧驛路

居人鑿井而飲其北山下泉味甘驛南沙溝井水味苦

瑜井 在廣武營陰子山水色白而味甘冽迥異他井相

近有俞提軍墓俞氏結亭覆之

石頭井營盤井 俱在鳴沙州紅柳溝迤北為土人牛羊牧飲之所

沙梁泉 在鎮羅北麥塋山下自沙地湧出流里餘入地

紅井 在縣北邊牆外六十里地平故草叢茂邑人牧飲

駝馬羊於此其水出紅土崖下因名

石砌水 在香山教佛臺南水出上石砌又合石縫滴水

下流四時涓涓不息流十餘里至紅石砌一帶其水春

流溝外則入於河夏流至半溝十餘里許即入地

高泉水 自山坡流下故名在永康堡東南五十里俗稱

行泉

卷一

地理考

山川

七

烟洞山

深井 井在溝灘中深三丈餘故名其地村居頗稠土民

汲飲不竭在香山東旗

七眼井 在香山南水從石溝浸出土人累石為之相傳

泉眼有七故名

紅石崖水 在香山寺口水出紅石崖下四時常流可灌

田園

寬口井 在天景山下水自地湧出夏秋雨後可灌澆附

近田禾

魏鎖井 在要崖西南水出甚旺土人牧畜於此日可飲

羊數千

龍潭泉 舊志載縣西二十里其水夏則蓄冬不凝冰

一名暖泉禱雨有應

紅泉 在香山之北水出紅石縫中因名

沙池 在鳴沙州要崖迤北約六十里沙池三處每遇雨

水積池產土鹽土人賴之但味苦人別稱小鹽云

紅柳溝 在鳴沙州東南五里源出靈州螺山下流入河

跨溝建環洞為飛槽渡七星渠水流澆白馬灘詳鉏觀

中衛縣志

卷一 地理考 山川

察祠碑記

石甕水 在大勞壩水自山崖流注因雨作瀑布其下石

池天生若甕所注水四時不竭

老君臺山 在古水東三面山相環抱舊有老君廟故云

楊柳泉 在青銅峽自半崖垂流下入於河其地石徑險

窄明季朱國瑞嘯聚螺山為盜曾出沒於此至今設汛

防焉

艾泉 在沙坡下近河泉三眼自沙中湧出合為池流數

武澆蔬畦十餘畝相傳舊為苗王園其中一泉水畔產

艾頗佳人稱九葉艾因以名之

釀泉 中衛酒為甘省著名其釀酒惟縣城內各井之水

作酒味清冽至城外之水即不及

中衛縣志

卷一 地理考 山川

九

水利

美利渠自元以來名蜘蛛渠舊由石龍口尾連勝金開嗣因岸徙渠淤口窒不能受水嘉靖壬戌撫軍毛中丞始命道叅文武督本衛丁夫改濬於舊口之西六里甫月餘而渠成易今名至我

朝

康熙中渠岸漸高不能引水三十年乃於舊口上流議開

石渠勞費工料數載弗成至四十年協鎮袁公鈴開石

壩疊拜水復通流第渠口狹北岸石根礁勁南岸口

埂低缺渠口受水不多四十五年西路廳高士鐸鳩工

中修縣志

卷一 地理考 水利

開鑿比舊加深三尺廣濶一丈南岸亦砌石為拜從此

水利溥焉前此荒廢地墾復五百餘頃皆成稻田且不

辭心勞清核包隱大役省察勤惰向之計期五旬且撥

門夫助役者今按田分出夫率一月工竣矣自沙坡下

開口延繞東北至馬草湖八塘灣共澆地四萬六千五

百畝渠口下至迎水橋十五里許設閘水閘一道計六

空旁鑿減水閘一道凡五空其下有趙通閘頭閘營兒

閘王家閘汪家閘李家閘官閘為堵水分入支渠歲通

力合作焉渠尾出油梁溝勝金開西入河渠身濶三丈

五尺深一丈沿長二百里

貼渠自縣西南邊牆抵河處開口引水東北流溉城南暨

家遠堡地二萬三千一百餘畝至黎家莊范家莊下沿

長六十里亦歸油梁溝入河渠口下有閘七道退水三

處大橋三處暗洞一道飛槽九處

鎮靖堡北渠自縣南河沿開口引水東北流過龍塔寺繞

堡東南沿長三十里入河計溉田一萬一千八百四十

畝渠身濶二丈五尺深五尺自口至身有三百戶閘北

渠開高渠開杜家樹退水雍家莊潘家灣二退水暗洞

中修縣志

卷一 地理考 水利

有堡門南大橙槽富家橙槽等處

鎮羅堡新北渠自縣南河沿開口引水東北流至李家莊

繞堡東南抵石家渠入河延長四十里濶二丈五尺深

四尺計溉田一萬九百五十畝出水一道暗洞一道

永興堡新渠自鎮羅南李家嘴開口引水向東北分為南

北二渠南渠分溉長灘一帶北渠分溉雷家莊一帶二

渠共開一十一道橙槽二道暗洞一道溉田共六千二

十餘畝渠身濶一丈五尺深四尺延長二十五里稍入

河